



Broj: 05/2-11/3-1722/26  
Velika Kladuša, 07.07.2026. godine

Na osnovu člana 70. stav, člana 69. i člana 2. stav (1) tačka l) Zakona o javnim nabavkama („Službeni glasnik BiH“, broj: 39/14, 59/22 i 50/24), člana 5. i 8. Pravilnika o uspostavljanju i radu komisije za nabavke („Službeni glasnik BiH“, broj: 103/14) i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), u predmetu otvorenog postupka za nabavku radova – Sanacija klizišta na lokalitetu Jablan, općina Velika Kladuša, a po preporuci Komisije za javne nabavke, Općinski načelnik Općine Velika Kladuša, donio je

### **ODLUKU o dodjeli ugovora**

1. Prihvata se ponuda ponuđača **HODURNIK d.o.o. Cazin**, sa konačnom cijenom od 44.844,00 KM bez uračunatog PDV-a, dostavljena Ugovornom organu po JN broj: 299-1-3-49-3-97/26 od 09.06.2026. godine, te se Ugovor o javnoj nabavci radova – Sanacija klizišta na lokalitetu Jablan, općina Velika Kladuša, dodjeljuje imenovanom ponuđaču.
2. Po pravosnažnosti ove Odluke, Ugovorni organ će pozvati izabranog ponuđača radi zaključenja Ugovora koji reguliše međusobna prava i obaveze vezane za predmetnu nabavku shodno zahtjevima Ugovornog organa navedenim u tenderskoj dokumentaciji i propisima koji regulišu postupke ugovaranja.
3. Ova Odluka objavit će se na službenoj web stranici Općine Velika Kladuša, u skladu sa članom 70. Zakona o javnim nabavkama BiH („Službeni glasnik BiH“, broj: 39/14, 59/22 i 50/24).

### **Obrazloženje**

Na osnovu Odluke Općine Velika Kladuša broj: 05/2-11/3-1722/26 od 08.06.2026. godine, pokrenut je dana 09.06.2026. godine na Portalu JN broj: 299-1-3-49-3-97/26 postupak nabavke radova - Sanacija klizišta na lokalitetu Jablan, općina Velika Kladuša.

Javna nabavka provedena je putem otvorenog postupka za dostavljanje ponuda, a kao kriterij za dodjelu ugovora odabrana je najniža cijena tehnički zadovoljavajuće ponude. U skladu sa članom 35. Zakona o javnim nabavkama BiH („Službeni glasnik BiH“, broj: 39/14, 59/22 i 50/24) Obavještenje o javnoj nabavci broj: 299-1-3-49-3-97/26 objavljeno je na Portalu javnih nabavki (ejn.gov.ba), dana 09.06.2026. godine. Procijenjena vrijednost nabavke iznosi : 63.499,72 KM.

Krajnji rok za dostavljanje ponuda bio je 30.06.2026. godine do 14:00 sati, a javno otvaranje ponuda izvršeno je 30.06.2026. godine u 14:15 sati, što je konstatovano Zapisnikom sa otvaranja ponuda od 30.06.2026. godine.

Komisija za javne nabavke u Zapisniku o pregledu i ocjeni ponuda broj: 05/2-11/3-232/26 od 19.2.2026. godine konstatovala je da je Tendersku dokumentaciju preuzelo 20 (dvadeset) ponuđača, a da je nakon isteka krajnjeg roka za dostavljanje ponuda za nabavku radova - Sanacija klizišta na lokalitetu Jablan, općina Velika Kladuša, pristiglo 5 (pet) ponuda od strane ponuđača i to:

1. „**HODURNIK**“ d.o.o. Cazin sa cijenom od 63.461,15 KM bez PDV-a,
2. „**SAFIC ELECTRONICS**“ d.o.o. Velika Kladuša, sa cijenom od 63.399,54 KM bez PDV-a
3. „**I-SELIMOVIC**“ d.o.o. Cazin sa cijenom od 63.496,38 KM bez PDV-a,
4. „**BK KENDIĆ GRADNJA**“ d.o.o. Velika Kladuša, sa cijenom od 63.499,72 KM bez PDV-a

**5. „STOLARIJA KENDIĆ“ d.o.o. Velika Kladuša sa cijenom od 73.021,77 KM bez PDV-a,**

Nakon izvršenog otvaranja ponude Komisija je pristupila analizi dokumentacije priložene uz ponude u smislu njihove validnosti, obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Analizom dokumentacije dostavljene uz ponude Komisija je utvrdila da ponude ponuđača: „**HODURNIK“ d.o.o. Cazin, „SAFIC ELECTRONICS“ d.o.o. Velika Kladuša, „I-SELIMOVIC“ d.o.o. Cazin** ispunjavaju formalno-pravne i tehničke zahtjeve Ugovornog organa, te su kao takve prihvatljive i mogu biti predmet e-aukcije.

A ponuda ponuđača „**BK KENDIĆ GRADNJA“ d.o.o. Velika Kladuša**“, se odbacuje iz razloga što dostavljena ponuda nije propisano uvezana jamstvenikom u skladu sa tačkom 6.1.6. tenderske dokumentacije, dok se ponuda „**STOLARIJA KENDIĆ“ d.o.o. Velika Kladuša** odbacuje iz razloga što prelazi procijenjenu vrijednost nabavke, te je u smislu Zakona o javnim nabavkama BiH ista neprihvatljiva.

E-aukcija za prihvatljive ponude zakazana je za 06.07.2026. godine. Nakon provedenog postupka e-aukcije 06.07.2026. godine započeto u 10:00:00 sati i završeno u 11:10:00 sati, te na osnovu Izvještaja o toku i završetku e-aukcije konačna rang lista ponuđača koji su učestvovali u e-aukciji je:


1. „**HODURNIK“ d.o.o. Cazin**, sa cijenom od 44.844,00 KM bez PDV-a.
2. „**SAFIC ELECTRONICS“ d.o.o. Velika Kladuša**, sa cijenom od 44.850,00KM bez PDV-a
3. „**I-SELIMOVIĆ“ d.o.o.** , sa cijenom od 63.496,38,00 KM bez PDV-a.

Shodno utvrđenoj rang listi ponuđača nakon provedene e-aukcije 06.07.2026.godine, Komisija za javne nabavke u svom Izvještaju o radu Komisije nakon završene e-aukcije Zapisnik broj: 05/2-11/3-1722/26 od 06.07.2026. godine dala je Općinskom načelniku preporuku da donese Odluku o dodjeli ugovora za javnu nabavku radova - Sanacija klizišta na lokalitetu Jablan, općina Velika Kladuša, dodjeljuje imenovanom ponuđaču „**HODURNIK“ d.o.o. Cazin**, sa konačnom cijenom od 44.844,00 KM bez PDV-a, kao najpovoljnijem ponuđaču, odnosno da da saglasnost na Izvještaj radi provođenja daljnjih aktivnosti na realizaciji postupka nabavke u skladu sa odredbama Zakona i Općih akata.

Cijeneći navedeno, na osnovu odredaba Zakona o javnim nabavkama BiH, odlučeno je kao u dispozitivu Rješenja.


UPUTA O PRAVNOM LIJEKU: Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci BiH ima pravo uložiti žalbu u roku od 10 (deset ) dana od dana kada je primio Odluku, odnosno Obavještenje o dodjeli Ugovora. Žalba se podnosi Ugovornom organu, kao prvostepenoj instanci u žalbenom postupku, u tri primjerka direktnom predajom kod Ugovornog organa ili preporučenom poštanskom pošiljkom.

Obrađivač:

  
Aida Čerimagić

Kontrolisao:

Pomoćnik Općinskog načelnika  
za finansije, računovodstvo i  
javne nabavke

  
Sebila Đerović Melkić



DOSTAVITI:

1. Učesnicima u postupku, 2x,
2. Služba za upravu, društvene djelatnosti i zajedničke poslove (web stranica),
3. U spis.